



Ndaw ndoengfaex miz golinzgaeq ndeu, miz ngoenz ndeu daxmeh golinzgaeq doiq bouxlgw bonjfaenh naeuz: “Mwngz gaeng maj hung lo, mbouj ndaej caeug daxmeh caemh gwn caemh youq lo, mwngz yaek gagdog bae ndaw seiqgyaiq baihgrog gag lixyouq lo.” Naeuz sat, daxmeh cingigouz rumz daxbuz soengq lwg de bae, rumz daxbuz baez cifefe couh ci de deuz lo, lij hawj de an diuzcoh heuh guh Lozloz.

Lozloz youq byonghmbwn mbin bae mbin dauq, de mbin gvaq le doenghnaz heusoemsoem, yawjraen le nungzminz daxlungz youq ndaw reihnaz dwgrengz guhhong; loh gvaq diuz gai nauhyied hawsingz, yawjraen aenlaeuz sangvidvid caeug baenz gyoengq ci buetfofo; roebraen le gij roeglgw ngamq hag mbin haenx, ginggvaq baez youh baez saetbaih, doeklaeng hag rox mbin lo, yienghneix youq byonghmbwn caeug gij roeg wng doxdax byawz mbin ndaej sang, mbin ndaej gyae; de lij ngonzyawj gvaq gij va moq gyaeunde ndaw lueg caeug baenz gyoengq duzmbaj diuqfoux yengyeng.

Sawqmwah ndaw lueg bongj hwnj raq rumz ndeu, youh dawz Lozloz ci daengz aen mbanj ndeu, menhmenh, menhmenh, doek youq ndaw fwngz laeq lwgsai ndeu, lwgsai angqvauvau gaem dawz de, roebraen gij lwgnyez doih de, gyoengqde doxyaeng caeug de itheij bae ra haujlai golinzgaeq, gyoengqde guhdoh daeug daengz gaiq diegnywj henzgyawj haenx, youq gizneix gyoengqde ra raen le haujlai golinzgaeq hausubsub. Gyoengq nyzdoih mbaet gij golinzgaeq roengzdaeug coux hauej aen hab iq ndeu. Neix couh dwg “aensuen golinzgaeq”, aenvih gaiq diegnywj neix did rim golinzgaeq, cipdaeug gyoengq lwgsai dawz gij golinzgaeq ndaw hab haenx ndaem roengz ndaw namh bae, riengz seizgan ciemh ngoenz ciemh gvaqbae, golinzgaeq itheij didrag, okngaz, majhung. Lozloz youq duenh roen gvaqdaeug neix cingqcaen roxnyinh le gij dauhleix naedceh byoengq namh okdaeug neix, hag rox le gij cingsaenz giengiengz, maenh’ak, roengzrengz haenx.

(Don Yauz raiz Goenggen hoiz)

Madva Raezrangrang

长长的花袜子

Youq laj mbonq iq, miz ga madva bouxcawj iq vuenh roengzdaeug ndeu.

Gyanghwnz, ga madva deng duz nouhung ndeu rag bae lo.

Duz nouhung madaengz ranz le, yiengq gyoengq duz noulwg vadvad fwngz, singq hung dwk hemq naeuz: “Vaiq daeug yawj, gou gip ndaej aen daehhung ndei yawj ndeu bw!”

“Hawj gou! Hawj gou!” gyoengq duz noulwg sikhaek buet gvaqdaeug ciengj madva. Gyoengqde mwngz beng gou rag, rag ndaej ga madva raezrangrang, iet daengz henzdou bae.

“Mbouj cauz! Mbouj cauz!” Duz nouhung naeuz, “Dawz de guh aen ci, gou soengq sou bae laj gofaex hung guhcaemz, ndei lwi?”

“Ndei! Ndei!” Gyoengq noulwg duz riengz duz, ndonjhaeug gyang mad bae. Duz nouhung aemq hwnj ga madva buet hwnjdaeug, aenbak hemq: “Vu! Hai ci lo!”

Duz nouhung doq buet doq ciengq go, “Aenci buet ndaej vaiq youh vaiq. Vu……Vu! Gvaq le camh youh

camh……”

“Saefouh! Saefouh!” Gyoengq noulwg cam, “Daengz laj gofaex hung caengz?”

“Caengz! Caengz!” Duznou hung doq buet doq dap.

“Daengz caengz? Daengz caengz?” Gyoengq noulwg youh cam.

“Caengz! Caengz!” Duznou hung doq buet doq dap.

“Vihmaz lij caengz daengz ne? Baenzneix gyae!” Gyoengq noulwg iet le iet hwet, raurumz hwnjdaeug, “Aenci mbouj miz conghcuengh, laep lai, yawj mbouj raen baihgrog.”

“Hai congh! Hai congh!” Gyoengq noulwg gangj sat couh yungh heujsoem gaet byoengq le madva. Ha, baenz aen baenz aen conghcueng hai ndaej lo, gyoengq noulwg duz dem duz iet gyaeug okdaeug, doiq youh doiq lwgda yaep ha yaep, yawj ha yawj: “O, yaek daengz gofaex hung lo!”

“Vu, daengz lo!” Duz nouhung cuengq roengz ga madva, hemq, “Caezgya roengz ci lobw!” Gyoengq noulwg daj ndaw congh madva ndonj okdaeug, duz riengzlaeng duz, bae laj goek gofaex hung guhcaemz lo.

Mbwn rongh lo, mbouj rox bouxlawz gip hwnj le ga madva, venj hwnj nyefaex bae. Gyoengqvunz raen le cungj roxnyinh geiz-gvaiq liux: Yo! Ga madva moq vihmaz miz baenzlai aen congh iq ne?

(Vuz Gyungj raiz Ouh Caijfangh hoiz)



Cibroek

Aen singgiuz daihcaet couhdwg deihiuz.

Deihiuz daegbied lai bw! Youq baihgwnz de miz it bak it cib it boux guekvuengz(guekvuengz bouxndaem goj suengq hauej bae), caet cien boux canghdeihleix, goujcib fanh boux canghgiyez, caet bak hajcib fanh boux laeugeq, sam ik it cien it bak fanh boux vunzluemjrog, song ik lai boux vunz.

Vihliux hawj gyoengqsou rox deihiuz laux baenz yienghlawz, gou yaek naeuz gyoengqsou nyi: Gaxgonq caengz miz dienhdaeng, youq gwnz roek aen couhung, bouxdiemjdaeng miz seiqcib roek fanh song cien haj bak itcib it vunz.

Daj gizgyae yawj bae, de ndei yawj dangqmaz. Gyoengq vunz de ningcak cix lumj fouxbahleiz ndaw ranzfwenheiq nei, caezcaez cingcingj. Bouxdiemjdaeng Sinhsihlanz caeug Audaliya sien okdaeug, citdawz aendaeng le, gyoengqde cix bae ninz lo. Riengzlaeng cix daengz bouxdiemjdaeng Cungguk caeug Sih-bwzliya hwnj daiz, gyoengqde buij-

yienj liux couh roengz daiz bae. Riengzlaeng cix daengz bouxdiemjdaeng Ngozlozshw caeug Yindu. Riengzlaeng cix daengz bouxdiemjdaeng Feihcouh caeug Ouhcouh. Liux cix daengz bouxdiemjdaeng Nanzmeijcouh, doeksat cix dwg bouxdiemjdaeng Bwzmeijcouh. Gyoengqde ciug gonqlaeng okdaeug, mbouj loengca gvaq saek baez, ak dahraix bw!

Bwzgiz miz aen daeng ndeu ndwi, Nanzgiz hix miz aen daeng ndeu ndwi, bouxdiemjdaeng Bwzgiz

caeug Nanzgiz youq vangq youq soeng, aenvih gyoengqde bi daengz gyaeug guhhong song baez ndwi.

Cibcaet

Langhnaeuz vunzlai gangj vah yaek gangj ndaej lai mizyinx di, yienghneix gyoengqde cix mbouj dwg coenzcoenz gangj caen bw. Gou lwnh gij saeh bouxdiemjdaeng hawj gyoengqsou nyi, couh mbouj dwg coenzcoenz gangj caen bw, aiq rox hawj doenghgiij vunz mbouj rox

deihgiuz de naemj loeng bae. Youq gwnz deihiuz, dieg vunz iq raixcaix, langhnaeuz ngeihcib ik boux vunz-biengz gwnz deihiuz bouxboux cungj ndwn hwnjdaeug, caemhcai lumj haihoih yienghde boux depgyawj boux dem, yienghneix ranghdieng raez ngeihcib inglex gvangq ngeihcib inglex raez ndeu cix coux ndaej doenghgiij vunz neix liux lo. Vuenh coenz vah ndeu ma gangj couhdwg aen dauj iq gwnz Daibingzyangz ndeu cix gyonjcomz vunz lajmbwn ndaej liux.

(22)



Lwgvuengziq



bouxraiz Swng' aihgwzsuhbeilij bouxhoiz Luz Fwncangz

圣埃克苏佩里 著 卢奋长 译